

Filosofia



Tièra de 1000 articles que totas las Wikipèdias deurián aver.

La **filosofia** es l'afinitat o l'amor pel saber, per la sciéncia. Mas çò que caracteriza la filosofia, a la diferéncia de çò que modèrnament apelam sciéncia, es lo fach que la primièra cèrca una explicacion radicala e ultima de son objècte d'estudi.

Disciplinas filosoficas

En general, la filosofia es estada classada en categorias segon l'objècte de son estudi. Atal se parla, per exemple, d'epistemologia (la filosofia de la sciéncia), de cosmologia (la filosofia de la natura), d'antropologia (la filosofia de l'òme), de metafisica o d'etica (la filosofia del compòrtament uman).

Al long dels sègles, los diversès sistèmas filosofics an classificat lors disciplinas de maniera diferenta, mas sovent son estadas mantengudas mai o mens las meteissas tres disciplinas generalas, qu'en tèrmes modèrnes s'apèlan logica, filosofia de la natura e filosofia de l'esperit. Çaquela, la terminologia utilizada per s'i referir a pogut variar. Per exemple, los estoïcs las apelavan logica, fisica e etica.

Istòria

Quitament se de còps, se parla de filosofia orientala, la filosofia pròpriament dicha comencèt amb los grècs. En Orient i aviá de mites que podían mai o mens retraire a de nocions filosoficas, mas qu'avián una basa abans tot religiosa.

Sovent, se devesís l'istòria de la filosofia en quatre periòdes, que son :

1. la filosofia grècoromana

Los filosòfs grècs son generalament devesits entre filosòfs presocratics (Pitagòras, Tales, Anaximandre, Anaximènes, Democrit, Parmenides, Eraclit, Empedòcles) e filosòfs pòstaristotelians.

1. la filosofia medievala
2. la filosofia modèrna
3. la filosofia contemporanèa

Recuperada de « <https://oc.wikipedia.org/w/index.php?title=Filosofia&oldid=2077968> »

Aquesta pagina es estada modificada pel darrièr còp lo 17 febrièr de 2018 a 13.46.

Drech d'autor : Los tèxtes son disponibles jos licéncia Creative Commons paternitat pertatge a l'identic ; d'autras condicions se pòdon aplicar. Vejat las condicions d'utilizacion per mai de detalhs, e mai los credits grafics.

Wikipedia® es una marca depausada de la Wikimedia Foundation, Inc., organizacion de benfasença regida pel paragraf 501(c)(3) del còde fiscal dels Estats Units.